

# adr:

ALTERNATIV DEMOKRATESCH  
REFORMPARTEI

Groupe parlementaire

Lëtzebuerg, de 14. November 2017

Depot: Här Fernand Kartheiser

PL 7185

1

## MOTIOUN

D'Chamber

- am Bewosstsi vun där ëmmer méi grousser Wichtigkeet vun der Digitaliséierung vun den Donnéeën an hirer Stockéierung ënner beschtméiglechen a séchere Konditiounen;
- iwwerzeegt, datt Lëtzebuerg och an dësem Beräich soll eng wichteg Roll spillen, an datt de verantwortungsvollen Ëmgang mat digitalen Date kann zu enger weiderer Diversifizéierung vun eiser Economie bäidroen;
- sech bewusst, datt dës Entwécklung och an de tëschestaatleche Relatiounen eng ëmmer méi grouss Roll spille kann, an datt Lëtzebuerg déi Chancen, déi sech an dësem Beräich opdoen, muss fréizäiteg erkennen an notzen;
- wëssend, datt esou international Entwécklungen och Implikatiounen op dat internationaalt, öffentlecht Recht hunn, an datt d'Klärung vun deene juristesche Froen an déi domat verbonne Rechtssécherheet en onverzichtbare Grondstee fir den Ausbau vun den tëschestaatlechen Relatiounen am Datewiese sinn;
- drun erënnerend, datt déi Wiener Diplomatrechtskonventioun vun 1961, déi modern Entwécklungen am Beräich vun der Digitaliséierung an hir Implikatiounen op déi diplomatesch Relatiounen net konnt antizipéieren;

begréisst:

- dat Ofkommen tëschent Lëtzebuerg an Estland iwwer "*the hosting of data and informations systems*", dat op dësem Gebitt Neiland betratt huet;

stellt fest:

- datt dat Ofkommen an engem bestëmmte Mooss kann als Virbild fir eng deelweis Upassung a Moderniséierung vun den internationale Konventiounen iwwer d'Reegele vun den diplomatesche Relatiounen tëschent de Staate ka sinn;

ass iwwerzeegt:

- datt eng Pionéierroll vu Lëtzebuerg an dësem Gebitt positiv Repercussiounen op eis Perceptioun an internationalen Institutiounen kann hunn an och d'Promotioun vu Lëtzebuerg am Beräich vun der digitaler Economie ka favoriséieren;

fuerdert d'Regierung op:

- op internationalem Niveau Initiativen ze huelen, déi et erlaben, déi pertinent Konventiounen iwwer d'Relatiounen tëschent de Staaten un déi nei digital Entwécklungen an Opportunitéiten unzepassen.

A handwritten signature or mark consisting of a stylized 'L' followed by a long, sweeping horizontal line that curves upwards at the end.